

蓋序二

天之生斯人也亦以其知秉彝懿德而已故不徒欲其敦倫理於內又欲崇親愛於外族焉倫理本重也然自一宗之分故不能無親疎之別輕重之殊理固然也若夫外族之親則異姓也然自其本原配合之初雖不能無先後彼此之異然以祖先和德則皆同體合好之積其本於宗先之慶又豈不厚乎是以古之君子之知重乎內其不有重於外之親乎若予之

托祖宗父母以有生也有年矣自有知之始每訪外
族之親者僅能知母族之一二耳其於祖之族則聞
其概曾高上之祖則不能全知况乎堂從之分流派
之延貿貿焉莫知所從此無他以記載之無徵故也
興思云久耄耄邁至尤未克以詳述之甚缺事也茲
者承

恩歸老於家乃不自揆敢旁採遠聞錄其所可知者備
加彙括焉其未知者則缺之以俟後之子若孫敬而

承之繼而記之勿替焉庶乎盡尊祖敬宗之心於內
外也

宣德三年歲次戊申春王正月

湖廣武昌府興圖州通山縣儒學教諭四會縣儒學
訓導歷任廣西桂林江西南昌府訓導七世孫謹敬
序